

四庫全書

史部

欽定四庫全書

史部

遼史卷十三至  
七

詳校官庶吉士臣龍廷槐

給事中臣查善長覆勘

總校官編修臣朱鈐

校對官中書臣程炎

謄錄監生臣嚴曜霄

欽定四庫全書

金史卷十三

元中書右丞相總裁托克托等修

本紀第十三

聖宗四

八年春正月辛巳如臺湖庚寅詔決滯獄庚子如沈子

燕二月丁未朔于闐回鶻各遣使來貢壬申女直遣使

來貢三月丁丑李繼遷遣使來貢庚辰太白熒惑闕凡

十有五次乙酉城杏堦以宋俘實之辛丑置宜州夏四月丙午朔嚴州刺史李壽英有惠政民請留從之庚戌女直遣使來貢庚午以歲旱諸部艱食振之五月戊子以宋降卒分隸諸軍庚寅女直宰相阿海來貢封順化王丙申清暑呼圖哩巴山詔括民田六月丙午以北面林牙穆爾古為北院大王阿爾斯蘭回鶻裕悅達爾罕遣使來貢甲寅月掩天駟第一星丙辰女直遣使來貢秋七月庚辰改南京熊軍為神軍詔東京路諸宮分提轄

司分置定霸保和宣化三縣白川州置洪理儀坤州置廣義遼  
西州置長慶乾州置安德各一縣省遂嫺松饒寧海瑞玉特哩  
奉德等十州及玉田遼豐松山弘遠懷清雲龍平澤平山等八  
縣以其民分隸他郡八月乙卯以黑白羊祭天地九月乙亥吐  
女直四部請內附壬辰李繼遷獻宋俘冬十月丙午以敗宋軍  
復遣使來告己酉準布等遣使來貢是月駐蹕大王州十一月  
庚寅以吐谷渾民饑振之丁酉太白晝見十二月癸卯李繼遷  
下宋麟鄉等州遣使來告女直遣使來貢庚戌遣使封李繼遷

為夏國王癸丑回鶻來貢是歲放鄭雲從等二人及第

九年春正月甲戌女直遣使來貢丙子詔禁私度僧尼庚辰如  
臺湖乙酉樞密使監修國史室昉等進實錄賜物有差戊子選  
宋降卒五百置為宣力軍辛卯詔免三京諸道租賦仍罷括田  
二月丙午夏國遣使告伐宋捷丁未涿州刺史耶律旺祿為特  
哩袞甲子建威寇振化來遠三城屯戌卒閏月辛未朔日有食  
之壬申遣翰林承旨邢抱朴三司使李嗣給事中劉京政事舍  
人張幹南宮副留守吳浩分決諸道滯獄三月庚子振室韋烏

爾古諸部戊申復遣庫部員外郎馬守琪倉部員外郎祁正虞  
部員外郎崔祐薊北縣令崔簡等分決諸道滯獄甲子幸南京  
夏四月甲戌回鶻來貢乙亥夏國王李繼遷遣杜白來謝封冊  
丙戌清暑炭山五月己未以秦王韓匡嗣私城為全州六月丁  
亥突厥來貢是月南京霖雨傷稼秋七月癸卯通括戶口乙巳  
詔諸道舉才行察貪酷撫高年禁奢僭有歿於王事者官其子  
孫己未夏國以復綏銀二州遣使來告八月癸酉銅州嘉禾生  
東京甘露降戊寅女直進喚麻人壬午東京進三足烏九月庚

子布古德來貢己酉駐蹕廟城南京地震冬十月丁卯  
阿爾斯蘭回鶻來貢壬申夏國王李繼遷遣使上宋所  
授勅命丁丑定難軍節度使李繼捧來附授推忠効順  
啟聖定難功臣開府儀同三司檢校太師兼侍中封西  
平王十一月己亥以青牛白馬祭天地十二月夏國王  
李繼遷潛附于宋遣招討使韓德威持詔諭之是歲放  
進士石用中一人及第

十年春正月丁酉禁喪葬禮殺馬及藏甲冑金銀器玩



丙午如臺湖二月乙丑朔日有食之韓德威奏李繼遷稱故不出至靈州俘掠以還壬申烏舍來貢壬午免雲州租賦庚寅夏國以韓德威俘掠遣使來奏賜詔安慰辛卯給復雲州流民三月甲辰鐵驪來貢丙辰如炭山夏四月乙丑以臺湖為望幸里庚寅會羣臣較射五月癸巳朔州流民給復三年七月辛酉鐵驪來貢八月癸亥觀稼仍遣使分閱苗稼九月癸卯幸五臺山金河寺飯僧冬十月壬申夏國王遣使來貢戊寅鐵驪來貢十

一月壬辰回鶻來貢十二月庚辰獵儒州東川拜天是月以東京留守蕭恒德等伐高麗

十一年春三月壬寅回鶻來貢丙午出內帑錢賜南京統軍司軍高麗王治遣朴良柔奉表請罪詔取女直鴨綠江東數百里地賜之二月癸亥霸州民妻王氏以妖惑衆伏誅夏四月辛未山清暑六月大雨秋七月己丑桑乾羊河溢居庸關西害禾稼殆盡奉聖南京居民廬舍多墊溺者八月如秋山冬十月甲申朔駐蹕富瑚坂

是歲放進士王熙載等二人及第

十二年春正月癸丑朔鄴陰鎮水漂溺三十餘村詔疏  
舊渠甲寅同政事門下平章事耶律實埒為特哩袞詔  
復行在五十里內租乙卯幸延芳淀戊午蠲宜州賦調  
庚申郎君耶律必舒等謀叛伏誅壬戌以南院大王耶  
律景為上京留守封漆水郡王霸州民李在宥年百三  
十有三賜束帛錦袍銀帶月給羊酒仍復其家二月甲  
申免南京被水戶租賦己丑高麗來貢甲午免諸部歲

輸羊及關征庚子回鶻來貢三月丁巳高麗遣使請所  
俘人畜詔贖還戊午幸南京丙寅遣使撫諭高麗己巳  
涿州木連理壬申如長春宮觀牡丹是月復置南京統  
軍都監夏四月辛卯幸南京壬辰樞密直學士劉恕為  
南院樞密副使戊戌以景宗石像成幸延壽寺飯僧五  
月甲寅詔北皮室軍老不任事者免役戊午如炭山清  
暑庚辰武定軍節度使韓德冲秋滿其民請留從之六  
月辛巳朔詔州縣長吏有才能無過者減一資考任之

癸未汧州刺史賈俊進呈新厯庚子錄因甲辰詔龍鳳  
兩軍老疾者代之是月太白歲星相犯秋七月辛亥朔  
日有食之甲寅遣使視諸道禾稼辛酉南院樞密使室  
昉為中京留守加尚父丙寅女直遣使來貢戊辰觀獲  
庚午詔契丹人犯十惡者依漢律已卯以翰林承旨邢  
抱朴參知政事八月庚辰朔詔皇太妃領西北路烏爾古  
等部兵及永興宮分軍撫定西邊以蕭達林督其軍事  
乙酉宋遣使求和不許戊子國舅帳尅蕭圖格為伊勒

希已乙未下詔戒諭中外官吏丁酉錄囚雜犯死罪以下釋之九月壬子室韋党項吐谷渾等來貢辛酉宋復遣使求和不許壬戌行拜奧禮癸酉準布等來貢冬十月乙酉獵于汧州之西山乙巳詔定均稅法丁未大理寺置少卿及正十一月戊申朔行再生禮鐵驪來貢詔諸部所俘宋人有官吏儒生抱器能者諸道軍有勇健者具以名聞庚戌詔郡邑貢明經茂材異等甲寅詔南京決滯獄己未官宋俘衛德升等六人十二月戊寅朔

日有食之詔并奚王府敖拉托輝瑪展三部為一其二  
尅各分為部以足六部之數甲申賜南京統軍司貧戶  
耕牛戊子高麗進妓樂却之庚寅禁游食民癸巳女直  
以宋人浮海賂本國及烏舍叛來告丁未幸南京是年  
放進士呂德懋等二人及第

十三年春正月壬子幸延芳淀甲寅置廣靈縣丁巳增  
泰州遂城等縣賦庚申詔諸道勸農癸亥長寧軍節度  
使蕭嘉哩秩滿民請留從之庚午如長春宮二月丁丑

女直遣使來貢甲辰高麗遣李周禎來貢三月癸丑夏  
國遣使來貢戊辰武清縣百餘人入宋境剽掠命誅之  
還其所獲人畜財物夏四月己卯參知政事邢抱朴以  
母憂去官起復丙戌詔諸道民戶應歷以來脅從為部  
曲者仍籍州縣甲午如炭山清暑五月壬子高麗進鷹  
乙亥北南伊實三府請括富民馬以備軍需不許給以  
官馬六月丙子朔啟聖軍節度使劉繼琛秩滿民請留  
從之丁丑詔減前歲括田租賦甲申以宣徽使阿穆爾



私城為豐州丙戌詔許昌平懷柔等縣諸人請業荒地  
秋七月乙巳朔女直遣使來貢丁巳烏舍烏哲圖渤海  
雅木丕勒等侵鐵驪遣奚王和碩鼐等討之壬戌詔蔚朔等  
州龍衛威勝軍更戌八月丙子夏國遣使進馬壬辰詔  
修山澤祠宇先哲廟貌以時祀之九月戊午以南京太  
學生員浸多特賜水碓莊一區丁卯奉安景宗及皇太  
后石像于延芳淀冬十月乙亥置義倉辛巳回鶻來貢  
甲申高麗遣李知白來貢戊子烏舍歸款詔諭之庚子

布古德來貢十一月乙巳阿爾斯蘭回鶻使來貢辛酉遣使冊王治為高麗國王戊辰高麗遣童子十人來學本國語十二月己卯鐵驪遣使來貢鷹馬辛巳夏國以敗宋人遣使來告是年放進士王用極等二人

十四年春正月己酉漁于潞河丁巳蠲三京及諸州稅賊丙寅夏國遣使來貢庚午以宣徽使阿穆爾家奴閭貴為豐州刺史二月庚寅回鶻遣使來貢三月壬寅高麗王治表乞為婚許以東京留守駙馬蕭恒德女嫁之

庚戌高麗復遣童子十人來學本國語甲寅韓德威奏  
討党項捷甲子詔安集朔州流民夏四月甲戌東邊諸  
紂各置都監庚寅如炭山清暑己亥鑿大安山取劉守  
光所藏錢是月奚王和碩萬東京留守蕭恒德等五人  
以討烏舍不克削官改諸部令公為節度使五月癸卯  
詔參知政事邢抱朴決南京滯獄庚戌朔州威勝軍一  
百七人叛入宋六月辛未如炭山清暑鐵驪來貢乙酉  
回鶻來貢己丑高麗遣使來問起居後至無時秋七月

戊午回鶻等來貢閏月丁丑五院部進穴地所得金馬  
冬十月丙辰命劉遂教南京神武軍士劒法賜袍帶錦  
幣戊午烏哲圖乞內附十一月甲戌詔諸軍官毋非時  
畋獵妨農乙酉奉安景宗及太后石像于乾州是月回  
鶻阿爾斯蘭請為子求婚不許十二月甲寅以南京道  
新定税法太重減之甲子達林誘叛酋阿勒坦等六十  
人斬之封蘭陵郡王辛南京是年放進士張儉等三人  
十五年春正月庚午幸延芳淀丙子以河西党項叛詔

韓德威討之庚辰詔諸道勸民種樹癸未烏舍長武周  
來降戊子女直遣使來貢己丑詔南京決滯囚乙未免  
流民稅二月丙申朔如長春宮戊戌勸品部富民出錢  
以贍貧民庚子徙梁門遂城泰州北平民於內地丙午  
夏國遣使來貢甲寅問安皇太后丙辰韓德威奏破党  
項捷丁巳詔品部曠地令民耕種三月乙丑朔党項來  
貢戊辰募民耕灤州荒地免其租賦十年己巳夏國破  
宋兵遣使來告己卯封夏國王李繼遷為西平王壬午

通括宮分人戶免南京逋稅及義倉粟甲申河西虎項  
乞內附庚寅烏舍烏哲圖以地遠乞歲時免進鷹馬貂  
皮詔以生辰正旦貢如舊餘免癸巳宋主炅殂子恒嗣  
位甲午皇太妃獻西邊捷夏四月乙未朔罷奚王部歲  
貢鷹戌戌錄囚壬寅發義倉粟賑南京諸縣民丙午廣  
德軍節度使韓德凝有善政秩滿其民請留從之己酉  
幸南京丁巳致奠于太宗皇帝廟己未如炭山清暑五  
月甲子日有食之己巳詔平州決滯獄是月德呼勒八

部殺詳袞以叛蕭達林追擊獲部族之半六月丙申鐵  
驪來貢壬子夏國遣使來謝封冊秋七月戊辰党項來  
貢辛未禁吐谷渾別部鬻馬於宋丙子高麗遣韓彥敬  
奉幣弔越國公主之喪辛卯詔南京疾決獄訟八月丁  
酉獵于平地松林皇太后誡曰前聖有言欲不可縱吾  
兒為天下主馳騁田獵萬一有銜橛之變適遺予憂其  
深戒之九月丙寅罷東邊戍卒庚午幸饒州致奠太祖  
廟戊子蕭達林奏討準布捷冬十月壬辰朔駐蹕馳山

罷奚王諸部貢物乙未賜宿衛時服丁酉禁諸山寺毋  
濫度僧尼戊戌弛東京道魚鰲之禁戊申以上京獄訟  
繁冗詰其主者辛酉錄囚十一月壬戌朔錄囚丙戌辛  
顯州戊子謁顯陵庚寅謁乾陵是月高麗王治薨姪誦  
遣王同穎來告十二月乙巳釣魚土河己酉駐蹕馳山  
壬子夏國遣使來貢甲寅遣使祭高麗王治詔其姪權  
知國事丙辰錄囚是年放進士陳鼎等二人

遼史卷十三



欽定四庫全書

遼史卷十四

元中書右丞相總裁托克托等修

本紀第十四

聖宗五

十六年春正月乙丑如長樂二月庚子夏國遣使來貢  
丙午以監門衛上將軍耶律錫呼為中臺省左相三月  
甲子女直遣使來貢乙亥布古德酋長來貢夏四月癸

卯振崇德宮所隸州縣民之被水者丁未罷民輸官俸  
給自內帑已酉祈雨乙卯如木葉山五月甲子祭白馬  
神丁卯祠木葉山告來歲南伐庚辰鐵驪來貢乙酉還  
上京婦人年踰九十者賜物六月戊子朔致奠於祖懷  
二陵是月清暑炭山秋七月丁巳朔錄囚聽政八月丁  
亥朔東幸九月丁巳朔駐蹕得勝口冬十一月遣使冊  
高麗國王誦十二月丙戌宋國王休格薨輟朝五日進  
封皇弟恒王隆慶為梁國王南京留守鄭王隆祐為吳

國王是年放進士楊文立等二人

十七年春正月乙卯朔如長春宮夏四月如炭山清暑  
六月烏舍烏哲圖來秋七月以伐宋詔諭諸道九月庚  
辰朔幸南京己亥南伐癸卯射鬼箭北院樞密使魏王  
耶律色珍薨以韓德讓兼知北院樞密使事冬十月癸  
酉攻遂城不克遣蕭繼遠攻狼山鎮石砦破之次瀛州  
與宋軍戰擒其將康昭裔宋順獲兵仗器甲無算進攻  
樂壽縣拔之次遂城敵衆臨水以拒縱騎兵突之殺戮

殆盡是年放進士初錫等四人及第

十八年春正月還次南京賞有功將士罰不用命者詔諸軍各還本道二月辛延芳浞夏四月己未駐蹕于清泉浞五月丁酉清暑炭山六月準布叛酋呼紐之弟特徹布率部衆來附呼紐無所歸遂降詔誅之秋七月駐蹕于湯泉九月乙亥朔駐蹕黑河冬十一月甲戌朔授西平王李繼遷子德昭朔方軍節度使十二月回鶻來貢是年放進士南承保等三人及第

十九年春正月辛巳以祗候郎君班詳袞觀音為奚六  
部大王甲申回鶻進梵僧名醫三月乙亥夏國遣李文  
貴來貢乙酉西南面招討司奏党項捷壬辰皇后蕭氏  
以罪降為貴妃賜大丞相韓德讓名德昌夏四月乙巳  
幸吳國王隆祐第視疾丙午問安皇太后五月癸酉清  
暑炭山丙戌冊蕭氏為齊天皇后庚寅以十伊喇詳袞  
耶律仁努為伊實大王辛卯以青牛白馬祭天地六月  
乙巳以所俘宋將康昭裔為昭順軍節度使戊午夏國

奏下宋恒懷慶等三州賜詔褒之秋七月丙戌以東京  
統軍使耶律諾袞為南府宰相八月庚戌達羅克部來  
貢九月己巳朔問安皇太后戊子駐蹕昌平庚寅西南  
面招討司奏討吐谷渾捷辛卯幸南京冬十月己亥南  
伐壬寅次鹽溝徙封吳國王隆祐為楚國王留守京師  
丁未梁國王隆慶統先鋒軍以進辛亥射鬼箭壬子以  
青牛白馬祭天地甲寅遼軍與宋兵戰于遂城敗之庚  
申以黑白羊祭天地丙寅次滿城以泥淖班師十一月

庚午射鬼箭丙子宋兵出淤口益津關來侵偵候瑪與  
虞人珠克擊敗之己卯觀漁儒門灤閏月己酉布古德  
來貢己未減關市稅十二月庚辰免南京平州租稅  
二十年春正月庚子如延芳淀癸丑東方五色虹見詔  
安撫西南面向化諸部甲寅夏國遣使貢馬馳辛酉女  
直宰相伊爾岱來貢二月丁丑女直遣其子來朝高麗  
遣使賀伐宋捷三月甲寅遣北府宰相蕭繼遠等南伐  
壬戌駐蹕駕鵞灤夏四月丙寅朔文班太保達里塔敗

宋兵于梁門甲戌南京統軍使蕭達林破宋軍於泰州  
乙酉南征將校獻俘賜爵賞有差戊子鐵驪遣使來貢  
五月乙卯幸炭山清暑六月夏國遣劉仁勗來告下靈  
州秋七月甲午朔日有食之丁酉以邢抱朴為南院樞  
密使辛丑高麗遣使來貢本國地里圖九月癸巳朔謁  
顯陵告南伐捷冬十月癸亥朔至自顯陵十二月奚王  
府五帳六節度獻七金山土河川地賜金幣是歲南京  
平州麥秀兩岐放進士邢祥等六人及第



二十一年春正月如駕鶩灤三月壬辰詔修日厯官母  
書細事甲午朝皇太后戊午鐵驪來貢夏四月乙丑女  
直遣使來貢戊辰烏舍渤海鄂羅木伊埒圖伊呼等  
五部遣使來貢是月耶律諾袞蕭達林獲宋將王繼忠  
于望都五月庚寅朔清暑炭山丁巳西平王李繼遷薨  
其子德昭遣使來告六月己卯贈繼遷尚書令遣西上  
閣門使丁振弔慰辛巳党項來貢乙酉準布德埒哩  
率諸部來降修哈屯城秋七月庚戌準布烏爾古來貢

甲寅以奚王府監軍耶律舒嚕為南院大王八月乙酉準布德埒哩來朝丙戌朝皇太后九月己亥夏國李德昭復遣使來謝弔贈癸丑幸女河湯泉改其名曰松林冬十月丁巳駐蹕七渡河戊辰以楚國王隆祐為西南面招討使十一月壬辰故裕悅耶律休格之子道士努高九等謀叛伏誅丙申通括南院部民十二月癸未罷三京諸道貢

二十二年春正月丁亥如駕鵞濼二月乙卯朔女直遣

使來貢丙寅南院樞密使邢抱朴薨輟朝三月三月己丑罷番部賀千齡節及冬至重五貢乙未西夏李德昭遣使上繼遷遺物夏四月丁卯朝皇太后五月清暑炭山六月戊子以哈屯城為鎮州軍曰建安秋七月甲申遣使封夏國李德昭為西平王丁亥烏舍富珠哩博和哩伊埒圖鄂羅木部來貢八月丙辰党項來貢庚申準布德埒哩來朝戊辰德埒哩求婚不許丙子駐蹕於犬牙山九月己丑以南伐故諭高麗丙午幸南京女直遣

使獻所獲烏哲圖妻子丁未致祭于太宗皇帝廟以北  
院大王穆爾古太尉老君努監北南王府兵庚戌命楚  
國王隆祐留守京師閏月己未南伐癸亥次固安以所  
獲諜者射鬼箭甲子以青牛白馬祭天地丙寅遼師與  
宋兵戰于唐興大破之丁卯蕭達林與宋軍戰于遂城  
敗之庚午軍于望都冬十月乙酉以黑白羊祭天地丙  
戌攻瀛州不克甲午下祁州賚降兵以酒脯祭天地己  
酉西平王李德昭遣使謝封冊十一月癸亥軍馬都指

揮使耶律科里遇宋兵于洺州擊退之甲子東京留守  
蕭巴雅爾獲宋魏府官田逢吉郭守榮常顯劉綽等以  
獻丁卯南院大王善補奏宋遣人遺王繼忠弓矢密請  
求和詔繼忠與使會許和庚午攻破德清軍壬申次澶  
淵蕭達林中伏弩死乙亥攻破通利軍丁丑宋遣崇儀  
副使曹利用請和即遣飛龍使韓杞持書報聘十二月  
庚辰朔日有食之既癸未宋復遣曹利用來以無還地  
之意遣監門衛大將軍姚東之持書徃報戊子宋遣李

繼昌請和以太后為叔母願歲輸銀十萬兩絹二十萬匹許之即遣閤門使丁振持書報聘己丑詔諸軍解嚴是月班師皇太后賜大丞相齊王韓德昌姓耶律徙王晉是年放進士李可封等三人

二十三年春正月戊午還次南京庚申大饗將卒爵賞有差二月丙戌復置權場於振武軍丁巳夏國遣使告下宋青城辛酉朝皇太后以特哩袞華格為南院大王行軍都監老君努為特哩袞振党項部丁卯回鶻來貢

丁丑改易州飛狐招安使為安撫使夏四月丙戌女直  
及阿爾斯蘭回鶻遣使來貢乙未鐵驪來貢己亥党項  
來侵五月戊申朔宋遣孫僅等來賀皇太后生辰乙卯  
以金帛賜陣亡將士家丙寅高麗以與宋和遣使來賀  
六月壬辰清暑炭山甲午準布德埒哩遣使來賀與宋  
和己亥達旦國九部遣使來聘秋七月癸丑問安皇太  
后戊午党項來貢辛酉以青牛白馬祭天地壬戌烏爾古  
來貢丁卯女直遣使來貢阿爾斯蘭回鶻遣使來請先

留使遣之九月甲戌遣太尉阿里太傅揚魯賀宋主  
生辰冬十月丙子朔布古德來貢戊子朝皇太后甲午  
駐蹕七渡河癸卯宋歲幣始至後為常十一月戊申上  
遣太保和卓頒給使韓簡太后遣太師博諾政事舍人  
高正使宋賀正旦辛亥觀漁桑乾河丁巳詔大丞相耶  
律德昌出宮籍屬于橫帳十二月丙申宋遣周漸等來  
賀千齡節丁酉復遣張若谷等來賀正旦

二十四年春正月如駕鵞樂夏五月壬寅朔辛炭山清



暑幽皇太妃呼紐于懷州囚夫人伊蘭于南京餘黨皆  
生瘞之秋七月辛丑朔南幸八月丙戌改南京宮宣教  
門為元和外三門為南端左掖門為萬春右掖門為千  
秋是月沙州燉煌王曹壽遣使進大食國馬及美玉以  
對衣銀器等物賜之九月辛南京冬十月庚午朔帝率  
羣臣上皇太后尊號曰睿德神畧應運啓化承天皇太  
后羣臣上皇帝尊號曰至德廣孝昭聖天輔皇帝大赦  
是年放進士楊佺等二十二人及第

二十五年春正月建中京二月如駕鶩灤夏四月清暑  
炭山六月賜皇太妃呼紐死于幽所秋七月壬申西平  
王李德昭母薨遣使弔祭甲戌遣使起復九月西北路  
招討使蕭托雲討準布破之冬十月丙申駐蹕中京十  
二月己酉振饒州饑民

二十六年春二月如長灤夏四月辛卯朔祠木葉山五  
月庚申朔還上京丙寅高麗進龍鬚草席己巳遣使賀  
中京成庚午致祭祖懷二陵辛未駐蹕懷州秋七月增

太祖太宗讓國皇帝世宗諡仍諡皇太弟魯呼曰欽順  
皇帝冬十月戊子朔幸中京十二月蕭托雲奏討甘州  
回鶻降其王伊魯勤撫慰而還是年放進士史克忠等  
一十三人

二十七年春正月釣魚土河獵于瑞鹿原夏四月丙戌  
朔駐蹕中京營建宮室庚戌廢霸州處置司秋七月甲  
寅朔霖雨潢土幹拉陰涼四河皆溢漂沒民舍八月甲  
申北幸冬十一月壬子朔行柴冊禮十二月乙酉南幸

皇太后不豫戊子肆赦辛卯皇太后崩于行宮壬辰遣使報哀于宋夏高麗戊申如中京己酉詔免賀千齡節是歲御前引試劉二宜等三人

遼史卷十四

遼史卷十四考證

聖宗紀五統和十七年秋七月伐宋冬十月癸酉攻遼  
城不克次瀛州與宋軍戰擒其將康昭裔宋順 按  
康昭裔通鑑內作康保裔據通鑑說則保裔乃戰死將  
真宗優詔贈恤錄其子孫據遼史則昭裔已就擒後且以  
為昭順軍節度使二者未知孰是

十八年春正月還次南京 按宋通鑑契丹知帝親征  
縱掠而去然則聖宗之還次南京因宋真宗之親征而

遼史諱之也

二十二年閏九月丙寅遼師與宋兵戰于唐興按續通鑑唐興作唐河

二十三年十二月丙申宋遣周漸等來賀千齡節丁酉復遣張若谷等賀正旦按周漸之使宋史不載而正旦所遣乃韓國華也此云張若谷與宋史異

遼史卷十四考證

欽定四庫全書

遼史卷十五

元中書右丞相總裁托克托等修

本紀第十五

聖宗六

二十八年春正月辛亥朔不受賀甲寅如乾陵癸酉奉  
安大行皇太后梓宮于乾州敢塗殿二月丙戌宋遣王  
隨王儒等來弔祭己亥高麗遣魏守愚等來祭是月遣

左龍虎衛上將軍蕭和卓饋大行皇太后遺物于宋仍遣臨海軍節度使蕭虛列左領軍衛上將軍張崇濟謝宋弔祭三月癸卯上大行皇太后謚為聖神宣獻皇后是月宋高麗遣使來會葬夏四月甲子葬太后於乾陵賜大丞相耶律德昌名曰隆運庚午賜宅及陪葬地五月己卯朔如中京辛卯清暑七金山乙巳西北路招討使蕭托雲奏伐甘州回鶻破肅州盡俘其民詔修土隄口故城以實之丙午高麗西京留守康肇弑其主誦擅



立誦從兄詢詔諸道繕甲兵以備東征秋八月戊申振  
平州饑民辛亥幸中京丙寅謁顯乾二陵丁卯自將伐  
高麗遣使報宋以皇弟楚國王隆祐留守京師北府宰  
相駙馬都尉蕭巴雅爾為都統林牙索諾木為都監九  
月乙酉遣使冊西平王李德昭為夏國王辛卯遣樞密  
直學士高正引進使韓杞宣問高麗王詢冬十月丙午  
朔女直進良馬萬匹乞從征高麗許之王詢遣使奉表  
乞罷師不許十一月乙酉大軍渡鴨綠江康肇拒戰敗

之退保銅州丙戌肇復出右皮室詳袞耶律達魯擒肇  
及副將李立追殺數十里獲所棄糧餉鎧仗戊子銅霍  
貴寧等州降巴雅爾至努克特嶺遇敵兵戰敗之辛卯  
王詢遣使上表請朝許之禁軍士俘掠以政事舍人馬  
保佑為開京留守安州團練使旺布為副留守遣太子  
太師伊林將騎兵一千送保佑等赴京壬辰守將卓思  
正殺遼使者韓喜孫等十人領兵出拒保佑等還遣伊  
林領兵擊之思正遂奔西京圍之五日不克駐蹕城西

高麗禮部郎中渤海托實來降庚子遣巴雅爾博諾攻  
開京遇高麗兵敗之王詢棄城遁去遂焚開京至清江  
還

二十九年春正月乙亥朔班師所降諸城復叛至貴德  
州南巔谷大雨連日馬駢皆疲甲仗多遺棄霽乃得渡  
己丑次鴨渌江庚寅皇后及皇弟楚國王隆祐迎于來  
遠城壬辰詔罷諸軍己亥次東京二月己酉謁乾顯二  
陵戊午所俘高麗人分置諸陵廟餘賜內戚大臣三月

已卯大丞相晉國王耶律隆運薨庚辰皇弟楚國王隆祐權知北院樞密使事樞密直學士高正為北院樞密副使庚寅南京平州水振之己亥以北院大王耶律舒嚕為北院樞密使封韓王北院郎君耶律世良為北院大王前三司使劉慎行參知政事兼知南院樞密使事夏四月清暑老古塢五月甲戌朔詔已奏之事送所司附日曆又詔帳族有罪黥墨依諸部人例乙未以劉慎行為南院樞密使南府宰相邢抱質知南院樞密使事

六月庚戌升蔚州知州為觀察使乙卯韓王耶律舒魯薨丙辰以南院大王華格為北院樞密使丁巳詔西北路招討使駙馬都尉蕭托雲安撫西鄙置準布諸部節度使是秋獵于平地松林冬十月庚子駐蹕廣平淀甲寅贈大丞相晉國王耶律隆運尚書令諡文忠十一月庚午朔幸顯州十二月庚子復如廣平淀癸丑以知南院樞密使事邢抱質年老詔乘小車入朝是月置歸寧二州是年御試放高承顏等二人及第

開泰元年春正月己巳朔宋遣趙湘符成翰來賀癸未  
長白山三十部女直酋長來貢乞授爵秩甲申駐蹕王  
子院丙戌望祠木葉山丁亥女直太保佛寧等來朝戊  
子獵于瑪哈拉林庚寅祠木葉山辛卯哈斯罕大王呼  
勒希來朝二月壬子駐蹕瑞鹿原三月甲戌以蔚州為  
觀察不隸武定軍乙亥如葦灤丁丑詔封皇女八人為  
郡主乙酉詔卜日行拜山大射柳之禮命北宰相駙馬  
蘭陵郡王蕭寧樞密使司空邢抱質督有司具儀物丁

亥皇弟楚國王隆祐徙封齊國王留守東京夏四月庚子高麗遣蔡忠順來乞稱臣如舊詔王詢親朝壬寅夏國遣使進良馬己酉祀風伯辛酉以前孟父房詳袞蕭佛努為左伊勒希巴五月戊辰還上京詔裴玄感邢祥知禮部貢舉放進士史簡等十九人及第以駙馬蕭紹宗為鄭州防禦使乙亥以邢抱質為大同軍節度使六月駐蹕上京七月丙子以耶律遂貞為遼興軍節度使遂正北院宣徽使張昭瑩南院宣徽使耶律受益上京

副留守寇卿彰德軍節度使命耶律釋紳努李操充賀  
宋國生辰信使副蕭尼古齊泰賀宋正旦使副進士康  
文昭張素臣郎玄達坐論知貢舉裴玄感邢祥私曲秘  
書省正字李萬上書辭涉怨訕皆杖而徙之萬役陷河  
冶八月丙申鐵驪納蘇等送烏舍百餘戶至賓州賜綵  
絹是日納蘇乞賜佛像儒書詔賜護國仁王佛像一易  
詩書春秋禮記各一部己未高麗王詢遣田拱之奉表  
稱病不能朝詔復取六州地是月齊國王隆祐薨輟朝



五日冬十月辛亥如中京閏月丁卯贈隆祐守太師諡  
仁孝十月甲午朔文武百官加上尊號曰弘文宣武尊  
道至德崇仁廣孝聰睿昭聖神贊天輔皇帝大赦改元  
開泰改幽都府為析津府薊北縣為析津縣幽都縣為  
宛平縣覃恩中外已亥賜夏國使東頭供奉官曹文斌  
呂文貴竇珪祐守榮武元正等爵有差癸卯前遼州錄  
事張庭美六世同居儀坤州劉興盾四世同居各給復  
三年甲辰西北招討使蕭托雲奏七部太師阿勒達因

其部民之怨殺本部節度使巴罕并屠其家以叛準布  
執阿勒達以獻而沿邊諸部皆叛十二月丙寅奉遷南  
京諸帝石像于中京觀德殿景宗及宣獻皇后于上京  
五鸞殿壬申振奉聖州饑民庚辰賜皇弟秦晉國王隆  
慶鐵券癸未劉晨言殿中高可垣中京留守推官李可  
舉治獄明允詔超遷之甲申詔諸道水菑饑民質男女  
者起來年正月日計傭錢十文價折傭盡遣還其家歸  
州言其居民本新羅所遷未習文字請設學以教之詔

允所請貴德龍化儀坤雙遼同祖七州至是有詔始征  
商己丑詔諸鎮建宣敕樓

二年春正月癸巳朔以裴玄感為翰林承旨邢祥給事  
中石用中翰林學士呂德推樞密直學士張儉政事舍  
人邢抱質加開府儀同三司守司空兼侍中王繼忠中  
京留守加檢校太師戶部侍郎劉涇加工部尚書駙馬  
蕭紹宗加檢校太師耶律琨加政事令封幽王丁未如  
瑞鹿原北院樞密使耶律華格封幽王以馬氏為麗儀

耿氏淑儀尚寢白氏昭儀尚服李氏順儀尚功艾氏芳  
儀尚儀孫氏和儀已未錄囚烏爾古德呼勒叛右皮室  
詳袞延壽率兵討之達旦國兵圍鎮州州軍堅守尋引  
去二月丙子詔以麥務川為象雷縣女河川為神水縣  
羅家軍為閭山縣山子川為富庶縣習家砦為龍山縣  
阿蘭峪為勸農縣松山川為松山縣金甸子為金原縣  
壬午遣北院樞密副使高正按察諸道獄三月壬辰朔  
華格以西北路畧平留兵戍鎮州赴行在夏四月甲子

拜日詔從上京請以韓斌所括贖國塔魯河奉豪等州  
戶二萬五千四百有奇置長霸興仁保和等十縣丙子  
如緬山五月辛卯朔復命華格等西討六月辛酉朔遣  
中丞耶律資忠使高麗取六州舊地七月壬辰烏爾古  
德呼勒復故疆乙未西南招討使政事令色珍奏党項  
諸部叛者皆遁黃河北模赧山不叛者哈坦額勒敏兩  
部因據其地今復西遷詰之則曰逐水草不早圖之後  
恐為患又聞前後叛者多投西夏西夏不納詔遣使再

問西遷之意若歸故地則可就加撫諭使不報上怒欲  
伐之遂詔李德昭今党項叛我欲西伐爾當東擊毋失  
犄角之勢仍命諸軍各市肥馬丁酉特哩袞耶律迪里  
為南府宰相太尉武格為特哩袞癸卯釣魚曲溝戊申  
以敦睦宮子錢振貧民己酉華格等破準布酋烏巴之  
衆丁卯封皇子宗訓大內特哩袞八月壬戌遣引進使  
李延弘賜夏國王李德昭及義成公主車馬己丑耶律  
資忠使高麗還冬十月己未朔畋廬井之北命耶律阿

營等使宋賀生辰辛酉駐蹕長樂丙寅詳袞張馬留獻  
女直人知高麗事者上問之曰臣三年前為高麗所虜  
為郎官故知之自開京東馬行七日有大砦廣如開京  
旁州所貢珍異皆積于此勝羅等州之南亦有二大砦  
所積如之若大軍行由前路取哈斯罕女直北直渡鴨  
綠江並大河而上至鄆州與大路會高麗可取而有也  
上納之十一月甲午錄囚癸丑樞密使幽王華格以西  
征有罪削其官封出為大同軍節度使十二月甲子以

北院大王耶律世良為北院樞密使封岐王以宰臣劉晟監修國史牛璘為彰國軍節度使蕭孝穆為西北路招討使放進士鮮于茂昭等六人及第

三年春正月己丑錄囚準布酋長烏巴來朝封為王乙未如渾河丁酉女直及鐵驪各遣使來貢是夕彗星見西方丙午畋潢河濱壬子帝及皇后獵瑞鹿原二月戊午詔增樞密使以下月俸甲子遣上京副留守耶律資忠復使高麗取六州舊地三月庚子遣耶律世良城招



州戊申南京奉聖平蔚雲應朔等州置轉運使夏四月  
戊午詔南京管內毋淹刑獄以妨農務癸亥烏爾古叛  
乙亥沙州回鶻曹順遣使來貢丙子以西北路招討都監  
蕭孝穆為北府宰相五月乙酉朔清暑緬山六月乙亥  
合巴哩伊實二國舅為一帳伊實伊勒希巴蕭迪里為  
詳袞以總之甲申封皇姪呼圖克為廣平郡王是夏詔  
國舅詳袞蕭迪里東京留守耶律托寶等討高麗造浮  
梁于鴨綠江城保宣義定遠等州秋七月乙酉朔如平

地松林壬辰詔政事省樞密院酒間授官釋罪母即奉  
行明日覆奏八月甲寅朔幸沙嶺九月丁酉八部德埒  
勒殺其詳袞刷皆叛詔南府宰相耶律烏拉噶招撫之  
辛亥釋德埒勒數人令招諭其衆壬子耶律世良獻德  
呼勒俘冬十月甲寅朔幸中京丙子以旗鼓伊喇詳袞  
特哩袞為奚六部大王放進士張用行等三十一人及  
第出身

四年春正月乙酉如瑞鹿原丙戌詔耶律世良再伐達

魯特戊子命詳袞巴古溺水瑞鹿原以備春蒐丁酉獵  
馬蘭淀壬寅東征東京留守善寧平章尼嚕古奏已總  
大軍及女直諸部兵分道進討遂遣使齎密詔軍前二  
月壬子朔如薩堤灤于闐國來貢夏四月癸丑以林牙  
達福為北院大王甲寅蕭迪里等伐高麗還丙寅哈斯  
罕部請括女直王蘇扎納戶舊無籍者會其丁入賦役  
從之樞密使固寧奏大破八部達魯特詔侍御薩喇獎  
諭代行執手之禮丙寅耶律世良等上破準布俘獲數

戊辰駐蹕汾柳湖己巳女直遣使來貢壬申耶律世良討烏爾古破之甲戌使賞有功將校世良討達魯特至清泥塌時伊濟既平朝廷議內徙其衆伊濟安土重遷遂叛世良懲創既破達魯特輒殲其丁壯勒兵渡哈喇河進擊餘黨斥候不謹其將綳果聚兵稠林中擊遼軍不備遼軍小却結陣河曲綳果是夜來襲翌日遼後軍主綳果誘伊濟之衆皆適世良追之軍至險阨綳果方阻險少休遼軍偵知其所世良不亟掩之綳果輕騎適

去獲其輜重及所誘伊濟之衆併遷達魯特所獲薩瑪  
爾部民城臚胸河上以居之是月蕭楊格尚南平郡主  
五月辛巳命北府宰相劉晟為都統樞密使耶律世良  
為副殿前都點檢蕭庫哩為都監以伐高麗晟先携家  
置邊郡致緩師期追還之以世良庫哩總兵進討以耶  
律德政為遼興軍節度使蕭尼古爾天城軍節度使李  
仲舉卒詔恤其家六月庚戌上拜日如禮與滿圖古爾  
世勲易衣馬為好以上京留守耶律巴格為北院樞密

副使秋七月上又拜日遂幸秋山自八月射鹿至于九月復自癸丑至于辛酉連獵于有栢碎石太保響應松山諸山丁卯與伊勒希巴兵部尚書蕭榮寧定交契以重君臣之好丙子以旗鼓伊喇詳袞特哩袞為六部奚王冬十月駐蹕塔喇噶灤十一月庚申詔汰東京僧及命上京中京洎諸宮選精兵五萬五千人以備東征十二月南巡海徼還幸顯州

五年春正月丁未北幸庚戌耶律世良蕭庫哩與高麗

戰于郭州西破之斬首數萬級盡獲其輜重乙卯師次  
南海軍耶律世良薨于軍癸酉駐蹕雪林二月己卯準  
布長來朝辛巳如薩堤樂庚寅前東京統軍使耶律韓  
留為右伊勒希巴戊戌皇子宗真生三月乙卯布古德  
長蘇布特薩喇等來貢辛酉諸道獄空詔進階賜物丙  
寅以前北院大王耶律敬溫為額珍尼郭齊哈党項魁  
可來降夏四月乙亥振招州民戊寅左伊勒希巴蕭和  
卓為北院樞密使赫勒訥為副使庚辰清暑孤樹淀五

月甲子尚書蕭姬隱坐出使後期削其官丁卯以耿元吉為戶部使六月以政事舍人吳克昌按察霸州刑獄丁丑回鶻獻孔雀秋七月甲辰獵于赤山八月丙子幸懷州有事于諸陵戊寅還上京九月癸卯皇弟南京留守秦晉國王隆慶來朝上親出迎勞至實德山因同獵于松山乙丑駐蹕杏塢冬十月甲午封秦晉國王隆慶長子察克中山郡王次子蘇克樂安郡王十一月辛丑以參知政事馬保忠同知樞密院事監修國史丁巳北



面林牙蕭威烏克為國舅詳袞十二月乙酉秦晉國王  
隆慶還至北安薨訃聞上為哀慟輟朝七日丁酉宋遣  
張遜王承德來賀千齡節是歲放進士孫傑等四十八  
人及第

六年春正月癸卯如錐子河二月甲戌以公主賽格殺  
無罪婢駙馬蕭托雲不能齊家降公主為縣主削托雲  
同平章事丁丑詔國舅帳詳袞蕭威烏克將本部兵征  
高麗其國舅司事以都監攝之庚辰以南面林牙聶赫

為南院大王三月乙巳如顯州葬秦晉國王隆慶有事  
於顯乾二陵追冊隆慶為太弟夏四月辛卯封隆慶少  
子謝嘉努為長沙郡王以樞密使漆水郡王耶律制心  
權知諸行宮都部署事壬辰禁命婦再醮丙申如涼陁  
五月戊戌朔樞密使蕭和卓為都統漢人行宮都部署  
王繼忠為副殿前都點檢蕭庫哩為都監以伐高麗翌  
日賜和卓劔俾得專殺丙午錄囚巳酉設四帳都詳袞  
甲寅南京統軍使蕭惠為右伊勒希巴乙卯祠木葉山

潢河乙丑駐蹕九層臺六月戊辰朔德妃蕭氏賜死葬  
兔兒山西後數日大風起塚上晝暝大雷電而雨不止  
者踰月是月南京諸縣蝗秋七月辛亥如秋山遣禮部  
尚書劉京翰林學士吳叔達知制誥仇正已起居舍人  
程翥吏部員外郎南承顏禮部員外郎王景運分路按  
察刑獄辛酉以西南路招討請置寧仁縣于勝州九月  
庚子還上京以皇子舒蘇生大赦丁未以駙馬蕭璉節  
度使華格知制誥仇正已楊佺充賀宋生辰正旦使副

乙卯蕭和卓等攻高麗興化軍不克還師冬十月丁卯  
南京路饑輓雲應朔弘等州粟振之辛未獵鐸子河庚  
寅駐蹕達哩山十一月乙卯建州節度使石匡弼卒十  
二月丁卯上輕騎還上京戊子宋遣李行簡張信來賀  
千齡節翌日宋馮元張綸來賀正旦

遼史卷十五

遼史卷十五考證

聖宗紀六開泰元年八月己未高麗王詢遣田拱之奉表稱病不能朝詔復取六州地按六州地史未詳其名考通鑑初以鴨綠江北予高麗嘗築六城至是復取之

開泰四年夏四月甲寅蕭迪里等伐高麗還按通鑑綱目契丹遣迪里討高麗高麗與女直設奇邀擊契丹大敗而還此不書敗諱之也

五月辛巳命北府宰相劉晟為都統樞密使耶律世良  
為副殿前都點檢蕭屈烈為都監以伐高麗按遼  
史高麗傳劉晟作慎行蕭屈烈作蕭虛烈

遼史卷十五考證

欽定四庫全書

遼史卷十六

元中書右丞相總裁托克托等修

本紀第十六

聖宗七

七年春正月甲辰如達哩山二月乙丑朔拜日如渾河  
三月辛丑命東北伊埒圖博和哩鄂羅木富珠哩鐵驪  
等五部歲貢貂皮六萬五千馬三百丙午烏爾古節度

使蕭普達討叛命迪里滅之夏四月拜日丙寅振川饒  
二州饑辛未振中京貧乏癸酉禁匿名書壬辰以三司  
使呂德懋為樞密副使閏月壬子以蕭進忠為彰武軍  
節度使兼五州制置戊午吐蕃王巴爾遜奏凡朝貢乞  
假道夏國從之五月丙寅皇子宗真封梁王宗元永清  
軍節度使宗簡右衛大將軍宗愿左驍衛大將軍宗偉  
右衛大將軍皇姪宗範昭義軍節度使宗熙鎮國軍節  
度使宗亮絳州節度使宗弼濮州觀察使宗奕曹州防



禦使宗顯宗蕭皆防禦使以張儉守司徒兼政事令六月丙申丕勒達囉克部節度使博羅哩至必繖河遇微雨忽天地晦冥大風飄四十三人飛旋空中良久乃墮數里外博羅哩幸獲免一酒壺在地反不移丙午行大射柳之禮庚申以耶律留寧吳守達使宋賀生辰蕭噶濟馬貽謀使宋賀正旦加平章蕭弘義開府儀同三司尚父兼政事令秋七月甲子詔翰林待詔陳升寫南征得勝圖于上京五鸞殿丁卯富珠哩部來貢九月庚申佛

寧國使奏本國與烏里國封壤相接數侵掠不寧賜詔諭之戊辰詔內外官因事受昧事覺而稱子孫僕從者禁之庚午錄囚括馬給東征軍是月駐蹕土河川冬十月名中京新建二殿曰延慶曰永安壬寅以順義軍節度使石用中為漢人行宮都部署丙辰詔東平郡王蕭巴雅爾為都統殿前都點檢蕭實喇為副統東京留守耶律巴格為都監伐高麗仍諭高麗守吏能率衆自歸者厚賞堅壁相拒者追悔無及十一月壬戌以呂德懋

知吏部尚書楊又玄知詳覆院劉晟為霸州節度使北  
府宰相劉慎行為彰武軍節度使庚辰禁服用明金縷  
金貼金戊子辛中京十二月丁酉宋遣呂夷簡曹瑋賀  
千齡節是月蕭巴雅爾等與高麗戰于茶陀二河遼軍  
失利天雲右皮室二軍沒溺者衆約尼帳詳袞阿克達  
客省使卓庫渤海詳袞高清明天雲軍詳袞哈里等皆  
死之故進士張克恭等三十七人及第

八年春正月宋遣陳堯佐張羣來賀壬戌鐵驪來貢建

景宗廟于中京封沙州節度使曹順為燉煌郡王二月  
丁未以前南院樞密使韓慤為中京留守漢人行宮都  
部署王繼忠南院樞密使丙辰祭風伯三月己未以契  
丹弘義宮使霍實為興聖宮都部署前永安納部節度  
使崆郭囉積慶宮都部署左祗候郎君耶律哈斯捷軍  
都監乙亥東平王蕭哈納東京留守耶律巴格國舅平  
章事蕭巴雅爾林牙伊濟等討高麗還坐失律數其罪  
而釋之己卯詔加征高麗有功渤海將校官壬午聞飛

龍院馬癸未輝發太師塔喇噶來貢丙戌置東京渤海  
承奉官都知押班夏四月戊子朔如緬山五月壬申以  
駙馬蕭克忠為長寧軍節度使乙亥遷寧州渤海戶于  
遼土二河已卯哈斯罕特哩袞阿巴該宰相薩喇來貢  
六月戊子錄征高麗戰歿將校子弟已丑以左伊勒希  
巴蕭嘉哩為西南面招討使御史大夫蕭伊濟為伊勒  
希巴已亥特哩袞耶律哈噶為南府宰相南面林牙耶  
律韓留為特哩袞癸卯弛達巴山猿嶺採木禁乙巳以

南皮室軍校等討高麗有功賜金帛秋七月己未征高麗戰歿諸將詔益封其妻庚申以東北路詳袞耶律都木達為北院大王辛酉約囉尼格二奚軍征高麗有功賜金帛癸亥詔準布依舊歲貢馬千七百駝四百四十貂鼠皮萬青鼠皮二萬五十戌辰觀稼己巳輝發部太保莽密來貢庚午觀市曲赦市中繫囚命解寧馬翼充賀宋生辰使副八月庚寅遣郎君赫伯舍等率諸部兵會大軍討高麗九月己巳以石用中參知政事宋遣崔

遵度王應昌賀千齡節壬申錄囚甲戌復錄囚庚辰哈  
斯罕特哩袞阿巴該來貢壬午駐蹕土河川冬十月乙  
酉詔諸道凡事已斷者每三月一次條奏戊子遣耶律  
繼崇鄭玄瑕賀宋正旦癸巳詔橫帳三房不得與卑小  
帳族為婚凡嫁娶必奏而後行癸卯以前北院大王建  
福為額珍尼郭齊哈甲辰改東路和掄台布城為咸州  
建節以領之十一月甲寅置雲州宣德縣十二月辛卯  
駐蹕中京乙巳以廣平郡王宗業為中京留守大定尹

韓愬為特哩袞辛亥高麗王詢遣使乞貢方物詔納之  
九年春正月宋遣劉平張元普來賀二月如駕鵞濼五  
月庚午耶律資忠使高麗還王詢表請稱藩納貢歸所  
留王人珠埒哩珠埒哩在高麗六年忠節不屈以為林  
牙辛未遣使釋王詢罪並允其請癸酉以耶律宗教檢  
校太傅宗誨啓聖軍節度使劉晟太子太傅仍賜保節  
功臣秋七月庚戌朔日有食之詔以近臣代拜赦日甲  
寅遣使賜沙州回鶻燉煌郡王曹順衣物以察喇耿元



吉哈濟宋璋為來年賀宋生辰正旦使副九月戊午以  
駙馬蕭紹宗平章事丁卯文武百僚奉表上尊號不許  
三上廼從之乙亥沙州回鶻燉煌郡王曹順遣使來貢  
括諸道漢民馬賜東征軍以伊勒希巴延寧為兵馬副  
都部署總兵東征是月駐蹕金鉞濛宋遣宋綬駱繼倫  
賀千齡節冬十月戊寅以聶呼為奚王都監托多羅為  
北王府錫里軍詳袞郎君婁使沙州還詔釋宿累國家  
舊使遠國多用犯徒罪而有才略者使還即除其罪戊

子西南招討奏党項部有宋犀族輸貢不時常有他意  
宜以時遣使督之詔曰邊鄙小族歲有常貢邊臣驕縱  
微歛無度彼懷懼不能自達耳第遣清慎官將示以恩  
信無或侵漁自然效順復奏迪錦達魯特部言節度使  
韓留育惠政今當代請留上命進其治狀辛丑如中京  
壬寅大食國遣使進象及方物為子察克請婚十一月  
丁巳以漆水郡王韓懋為南京留守析津尹兵馬都總  
管己未以伊勒希巴蕭孝順為南面諸行宮都部署加

左僕射十二月丁亥禁僧然身煉指戊子詔中京建太祖廟制度祭罷皆從古制乙巳詔來年冬行大冊禮放進士張仲舉等四十五人

太平元年春正月丁丑朔宋使魯宗道成吉來賀如渾河二月乙卯辛鉞河壬戌獵高祁林三月戊戌皇子博齊希生庚子駙馬都尉蕭紹業建私城賜名睦州軍曰長慶是月大食國王復遣使請婚封王子班郎君和索哩女噶老為公主嫁之夏四月戊申東京留守奏女直

三十部酋長請各以其子詣闕祇候詔與其父俱來受  
約乙卯錄囚丁卯置萊州是月清暑緬山秋七月甲戌  
朔賜從獵女直人秋衣乙亥遣古哩取石晉所上玉璽  
于中京準布來貢辛巳如沙嶺是月獵潢河九月辛中  
京冬十月丁未德呼勒酋長普爾布來貢馬駝戊申錄  
囚甲寅宋使李懿王仲賓賀千齡節蘇惟甫周鼎賀來  
歲元正即遣蕭善程翦報聘党項長赫魯來貢己未以  
薩滿嘉哩為都點檢郭囉副點檢耶律羅漢努左皮室

詳袞桑古石皮室詳袞拉拉西北路金吾耶律僧隱御史大夫球格駙馬都尉蕭崇古嚕並大將軍庚申幸通天觀觀魚龍曼衍之戲翌日再幸還升玉輅自內三門入萬壽殿奠酒七廟御容因宴宗室十一月癸未上御昭慶殿文武百僚奉冊上尊號曰睿文英武遵道至德崇仁廣孝功成治定昭聖神贊天輔皇帝大赦改元太平中外官進級有差宋遣使來聘夏高麗遣使來貢甲申冊皇子梁王宗真為皇太子

二年春正月如納水釣魚二月辛丑朔駐蹕魚兒濛三月甲戌如長春州丁丑宋使薛貽廓來告宋主恒殂子禎嗣位遣都點檢耶律僧隱等充宋祭奠使副林牙蕭日新觀察馮延休充宋后弔慰使副戊寅遣金吾耶律錫林引進姚居信充宋主弔慰使副戊子為宋主飯三京僧是月地震雲應二州屋摧地陷鄂博山裂數百步泉湧成流夏四月如緬山清暑五月乙亥朔參知政事石用中薨庚辰鐵驪遣使獻烏舍十六戶六月己未宋

遣使薛由等來饋其先帝遺物秋七月己卯以耶律信  
寧為奉陵軍節度使高麗國參知政事王同顯靜海軍  
節度使耶律遂忠長寧軍節度使耿延毅昭德軍節度  
使高守貞河西軍節度使九月癸巳遣尚書僧隱韓格  
賀宋主即位冬十月壬寅遣堂後官張克恭充賀夏國  
王李德昭生日使耶律縱古韓玉充賀宋太后生日使  
副耶律仙寧史克忠充賀宋正旦使副是月駐蹕和爾  
郭斯浞癸卯朔賜宰臣呂德懋參知政事吳叔達樞密

副使楊又玄右丞相馬保忠錢物有差辛亥至上京曲赦畿內囚十一月丙戌宋遣使來謝十二月辛丑高麗王詢薨其子欽遣使來報即命使冊欽為高麗國王甲寅宋遣劉煜郭志言來賀千齡節是年放進士張漸等四十七人

三年春正月丙寅朔如納水釣魚以僧隱為平章事乙亥以蕭臺德為南王府都監林牙耶律信寧西北路招討都監辛巳賜越國公主私城之名曰懿州軍曰慶懿



三月丙申以丁振為武信軍節度使改封蘭陵郡王戊申以東平郡王蕭巴雅爾為西南面都招討進封幽王夏四月以耶律守寧為都點檢五月清暑緬山六月戊申以南院宣徽使劉涇參知政事蕭孝惠為副點檢蕭孝恭東京統軍兼汾邊巡檢使戊午以蕭璉為左伊勒希巴蕭琳為詳袞秋七月戊寅以南府宰相耶律哈噶為上京留守封漆水郡王丙戌以皇后生辰為順天節丁亥賜緬山名曰永安是月獵赤山閏月壬辰以蕭伯達

韓紹雍充賀宋正旦使副唐古特程昭文賀宋生辰使副冬十月庚辰宋遣薛奎郭盛賀順天節王臻慕容惟素賀千齡節東征軍奏統帥錫林詳袞課努率師自茂穆克嶺入林牙噶濟裨將大匡逸等率師鼓山嶺入閏月未至達掄河不遇敵而還是月會於哈卜齊勒嶺馳馬死者甚衆駐蹕遼河十一月辛卯朔以皇姪宗範為歸德軍節度使北府宰相蕭孝穆南京留守封燕王南京留守韓愬南院大王兵馬都總管仇正燕京轉運使

十二月壬戌以宗範為平章事封三韓郡王仇道衡中  
京副留守馮延休順州刺史郎玄化西山轉運使趙其  
樞密直學士丁卯以蕭永為太子太師己卯封皇子重  
元秦國王

四年春正月庚寅朔宋遣張傳張士禹程琳丁保衡來  
賀如鴨子河二月己未朔獵塔魯河詔改鴨子河曰混  
同江塔魯河曰長春河三月戊子朔千齡節詔賜諸宮  
分耆老食夏四月癸酉以丞相馬保忠子世弘使嶺表

至平地松林為盜所殺特贈昭信軍節度使五月清暑  
永安山己未南院大王韓慤薨戊辰以鄭弘節為兵部  
郎中劉慎行順義軍節度使辛未以燕王蕭孝穆子順  
為千牛衛將軍甲戌以中山郡王察克為保靜軍節度  
使樂安郡王蘇克廣德軍節度使蕭嘉哩彰德軍節度  
使庚辰以遼興軍節度使周王呼圖克為臨海軍節度  
使漆水郡王迪里南院大王秋七月如秋山八月丙辰  
以韓紹芳為樞密直學士駙馬蕭必塔都點檢九月以

駙馬蕭紹宗為武定軍節度使耶律宗福安國軍節度  
使冬十月駐蹕遼河宋遣蔡齊李用和來賀千齡節十  
一月追封南院大王韓慤為陳王十二月以蕭從政為  
歸義軍節度使康筠監門衛充賀宋正旦使副是年放  
進士李炯等四十七人

遼史卷十六

欽定四庫全書

遼史卷十七

元中書右丞相總裁托克托等修

本紀第十七

聖宗八

五年春正月乙酉如混同江二月戊午禁天下服用明  
金及金線綺國親當服者奏而後用是月如魚兒灤三  
月壬辰以左丞相張儉為武定軍節度使同政事門下

平章事鄭弘節臨潢少尹劉慎行遼興軍節度使武定  
軍節度使蕭必塔契丹行宮都部署樞密副使楊又玄  
吏部尚書叅知政事兼樞密使是月如長春河魚兒濼  
其水一夕有聲如雷越沙岡四十里別為一陂夏五月  
清暑永安山以蕭從順為太子太師吳叔達翰林學士  
道士馮若谷加太子中允耶律晨武定軍節度使張儉  
彰信軍節度使呂士宗禮部員外郎李可舉順義軍節  
度使秋七月獵平地松林九月駐蹕南京己亥以蕭迪



里李紹琪充賀宋太后生辰使副耶律守寧劉四端充  
賀宋主生辰使副冬十月辛未宋太后遣馮元宗史方  
來賀順天節十一月庚子幸內果園宴京民聚觀求進  
士得七十二人命賦詩第其工拙以張昱等一十四人  
為太子校書郎韓橐等五十八人為崇文館校書郎辛  
丑以左祇候郎君詳袞蕭羅羅為右伊勒希巴十二月  
丁巳以漢人行宮都部署蕭孝先為上京留守皇姪長  
沙郡王謝嘉努匡義軍節度使耶律仁舉興國軍節度

使甲子蕭守寧為點檢侍衛親軍馬步軍乙丑北院樞密使蕭和卓薨戊辰以北府宰相蕭布庫為北院樞密使己巳遣蕭誥李琪充賀宋正旦使副庚午以參知政事劉京為順義軍節度使乙亥宋使李維張綸來賀千齡節是歲燕民以年穀豐熟車駕臨幸爭以土物抒誠貢獻上禮高年惠鰥寡賜酺飲至夕六街燈火如晝士庶嬉遊上亦微行觀之丁丑禁工匠不得銷毀金銀器六年春正月己卯朔宋遣徐奭裴繼起張若谷崔準來

賀庚辰如鴛鴦濼二月己酉以默爾吉同知樞密院黃  
翩為兵馬都部署達噶濟副之霍寶為都監引軍城混  
同江蘇默河之間黃龍府請建堡障三烽臺十詔以農  
隙築之東京留守巴格奏黃翩領兵入女直界徇地俘  
獲人馬牛豕不可勝計得降戶二百七十詔獎諭之戊  
午以耶律頁為副點檢以國舅帳蕭瑠實圖嚕庫領西  
北路十二班軍奚王府錫里軍已已南京水遣使振之  
庚午詔党項別部塔斯設契丹節度使治之三月戊寅

以大同軍節度使張儉入為南院樞密使左丞相兼政  
事令叅知政事吳叔達責授將作少監出為東州刺史  
準布來侵西北路招討使蕭惠破之夏四月丁未朔以  
武定軍節度使耶律海古勒為特哩袞戊申博囉滿達勒  
部多烏舍戶詔索之丙寅如永安山五月辛卯以東京  
統軍使蕭繹古為契丹行宮都部署癸卯遣西北路招  
討使蕭惠將兵伐甘州回鶻六月辛丑詔凡官畜並印  
其左以識之秋七月戊申獵黑嶺八月蕭惠攻甘州不

克師還自是準布諸部叛遼軍與戰皆為所敗監軍尼  
魯古國舅帳太保額布勒死之詔遣特哩袞耶律鴻觀  
林牙華格等將兵討之九月駐蹕遼河泚冬十月丙子  
哈斯罕諸部長來朝庚辰遣使問夏國與宋交戰之故  
辛巳以前南院大王濟魯古為烏爾古德呼勒都詳袞  
庚寅以蕭孝順蕭紹宗兼侍中駙馬蕭紹業平章政事  
前南院大王和爾沁同知上京留守安格通化州節度  
使乙丑宋遣韓翼田承說來賀順天節十一月戊辰西

北路招討司小校繆古訴招討蕭惠三罪詔都監鄂克沁按之十二月庚辰哈斯罕部乞建旗鼓許之辛巳詔北面諸部廉察州縣及錫林穆魯之官不治者罷之詔大小職官有貪暴殘民者立罷之終身不錄其不廉直雖處重任即代之能清勤自持者在卑位亦當薦拔其內族受賂事發與常人所犯同科戊戌遣杜防蕭蘊充賀宋生辰使副庚子駐蹕遼河

七年春正月壬寅朔宋遣張保維孫繼業孔道輔馬崇

至來賀如混同江辛亥以女直伯埒為特哩袞佛門為  
葉穆部太師甲寅博囉滿達勒遣使來貢夏四月乙未獵  
黑嶺五月清暑永安山西南路招討司奏陰山中產金  
銀請置冶從之復遣使循遼河源求產金銀之所六月  
禁諸屯田不得擅貨官粟癸巳詔蕭惠再討準布秋七  
月己亥朔詔更定法令庚子詔諭駙馬蕭楚布公主諾  
木歡於后有父母之尊后或臨幸祇謁先祖乃祇拜空  
帳失致敬之禮今後可設像拜謁乙巳詔輦路所經旁

三十步內不得耕種者不在訴訟之限九月駐蹕遼河  
冬十月丁卯朔詔諸帳院庶孽竝從其母論貴賤十一  
月宋遣石中立石貽孫來賀千齡節王博文王雙賀順  
天節辛亥以楊乂玄邢祥知貢舉乙未匡義軍節度使  
中山郡王察克保寧軍節度使長沙郡王謝嘉努廣德  
軍節度使樂安郡王蘇克奏各將之官乞選伴讀書史  
從之癸亥以三韓王欽為啓聖軍節度使楊佺刑部侍  
郎甲子以左千牛衛上將軍耶律古雲為北院大王十



二月丁卯遣耶律蘇頁王永錫充賀宋太后生辰蕭蘇色馬保永充賀正旦使副癸酉以金吾蕭噶嚕為奚錫里軍詳袞

八年春正月己亥如混同江庚申党項侵邊破之甲子詔州縣長吏勸農二月戊子燕京留守蕭孝穆乞于拒馬河接宋境上置戍長巡察詔從之三月駐蹕長春河夏五月清暑永安山六月以韓寧劉湘充賀宋太后生辰使副吳克荷充賀夏國王李德昭生辰使癸巳權北

院大王耶律哲魯奏今歲十一月皇太子納妃諸族備會親之帳詔以豪盛者三十戶給其費秋七月丁酉以約尼帳郎君辰格為西北路巡檢與蕭錫林同管二招討地以南院大王耶律迪里為上京留守戊戌獵平地松林九月壬辰朔以渤海宰相羅漢權東京統軍使壬子幸中京北德呼勒節度使耶律延壽請視諸部賜旗鼓詔從之癸丑準布別部長呼蘭來降乙卯準布長吹古來降冬十月宋遣唐肅葛懷愍來賀順天節樞密使

魏王耶律色珍孫婦阿古指斥乘輿其孫古雲為之隱  
事覺乃竝坐之仍籍其家詔燕城將士若敵至總管備  
城之東南統軍守其西北馬步軍備其野戰統軍副使  
繕壁壘課士卒各練其事十一月丙申皇太子納妃蕭  
氏以耶律求翰為北院大王冬十二月辛酉朔以約尼  
太尉色佛呼為天雲軍詳衮壬申以前北院大王耶律  
留寧為雙州節度使康筠崇德宮都部署色實永興宮  
都部署埒富宜州節度使

闕

菴遼州節度使耶律頁同

知中京留守耶律哈喇托輝為大將軍丁丑詔庶孽雖已為良不得預世選丁亥宋遣寇瑊康德來賀千齡節朱諫曹英張逸劉永釗賀來歲兩宮正旦詔兩國舅及南北王府乃國之貴族賤庶不得任本部官是歲放進士張宥等五十七人

九年春正月至自中京二月戊辰遣使賜高麗王欽物如烏林河夏五月清暑永安山六月戊子以長沙郡王謝嘉努為廣德軍節度使樂安郡王蘇克匡義軍節度

使中山郡王察克保定軍節度使進封潞王豫章王特  
布長寧軍節度使以耶律思忠耶律荷耶律嵩約尼色  
佛呼陳邈韓紹一韓知白張震充賀宋兩宮生辰及來  
歲正旦秋七月戊午朔如黑嶺八月己丑東京錫里軍  
詳袞大延琳囚留守駙馬都尉蕭孝先及南陽公主殺  
戶部使韓紹勲副使王嘉四捷軍都指揮使蕭佛德延  
琳遂僭位號其國為興遼年為天慶初東遼之地自神  
冊來附未有權酤鹽麴之法關市之征亦甚寬弛馮延

休韓紹勲相繼以燕地平山之法繩之民不堪命燕又  
仍歲大饑戶部副使王嘉復獻計造船使其民諳海事  
者漕粟以賑燕民水路艱險多至覆沒雖言不信鞭楚  
撈掠民怨思亂故延琳乘之首殺紹勲嘉以快其衆延  
琳先事與副留守王道平謀道平夜棄其家踰城走與  
延琳所遣召黃龍府黃翩者俱至行在告變上即徵諸  
道兵以時進討時國舅詳袞蕭必塔治近延琳先率本  
管及家兵據其要害絕其西渡之計渤海太保夏行美

亦舊主兵戍保州延琳密馳書使圖統帥耶律布庫行  
美乃以實告布庫得書遂殺渤海兵八百人而斷其東  
路延琳知黃龍保州皆不附遂分兵西取瀋州其節度  
使蕭旺祿初至其副張傑聲言欲降故不急攻及知其  
詐而已有備攻之不克而還時南北女直皆從延琳高  
麗亦稽其貢及諸道兵次第皆至延琳嬰城固守冬十  
月丙戌朔以南京留守燕王蕭孝穆為都統國舅詳袞  
蕭必塔為副統奚六部大王蕭博諾為都監以討之十

一月乙卯朔如顯陵丙寅以瀋州節度副使張傑為節  
度使其防城進士張人紀趙陸等二十二人入朝試以  
詩賦皆賜第超授保州戍將夏行美平章事壬申以駙  
馬劉四端權知宣徽南院事十二月丁未宋遣仇永韓  
永錫來賀千齡節命耶律育吳克荷蕭可觀趙利用充  
賀宋生辰使副耶律元吉崔閔蕭昭古賓振充來歲賀  
宋正旦使

十年春正月乙卯朔宋遣王夷簡竇處約張易張士宜



來賀二月辛龍化州三月甲寅朔詳袞蕭必塔至自遼  
東言都統蕭孝穆去城四面各五里許築城堡以圍之  
駙馬延寧與其妹穴地遁去公主吹巴勒在後為守陴  
者覺而止夏四月如乾陵以耶律行平為廣平軍節度  
使夏行美為中順軍節度使李延弘知易州蕭從順加  
太子太師五月戊申清暑栢坡秋七月壬午詔來歲行  
貢舉法八月丙午東京賊將楊詳世密送款夜開南門  
納遼軍擒延琳渤海平冬十月駐蹕長寧淀十一月辛

亥南京留守燕王蕭孝穆以東征將士凱還戎服見上  
上大加宴勞翌日以孝穆為東平王東京留守國舅詳  
袞駙馬都尉蕭必塔封蘭陵郡王奚王博諾加侍中以權  
燕京留守兼侍中蕭惠為燕京統軍使前統軍威烏克  
大將軍節度使宰相兼樞密使馬保忠權知燕京留守  
奚王府都監蕭阿克展東京統軍使詔渤海舊族有勲  
勞材力者敘用餘分居來隰遷閭等州十二月乙巳宋  
遣梅詢王令傑來賀千齡節漆水郡王耶律迪里加尚

父烏爾古節度使蕭普達為伊實部大王尚書左僕射  
蕭琳為臨海軍節度使

十一年春正月己酉朔如混同江二月如長春河三月  
上不豫夏五月大雨水諸河橫流皆失故道六月丁丑  
朔駐蹕太福河之北己卯帝崩于行宮年六十一在位  
四十九年景福元年閏十月壬申上尊諡曰文武大孝  
宣皇帝廟號聖宗

贊曰聖宗幼冲嗣位政出慈闈及宋人二道來攻親御

甲冑一舉而復燕雲破信彬再舉而曠河朔不亦偉歟  
既而侈心一啓佳兵不祥東有茶毗之敗西有甘州  
之喪此扭於常勝之過也然踐阼四十九年理冤滯舉  
才行察貪殘抑奢僭錄死事之子孫振諸部之貧乏責  
迴合不忠之罪却高麗女樂之歸遼之諸帝在位長久  
令名無窮其唯聖宗乎

遼史卷十七